

影印

文淵閣四庫全書

第一〇九七冊

北京出版集團公司
北京出版社

本册目次

西 鄮 錢

溪 溪 塘

集 集 集

宋 宋 宋

沈 鄭 韋

邁撰
獬撰
驤撰

……
……
……

一〇九
三七九
一

欽定四庫全書

集部

西溪集卷一至三

詳校官庶吉士臣馬履泰

檢討臣何思鈞覆勘

總校官庶吉士臣何思鈞

校對官中書臣李奎

謄錄監生臣曹希焜

欽定四庫全書

集部三

西溪集

別集類二宋

提要

臣等謹案西溪集十卷宋沈邁撰邁字文通

錢塘人以蔭為郊社齋郎皇祐元年舉進士

第一執政以已官者不應先多士奏改第二

歷知杭州開封府皆有能名終於翰林學士

事蹟具宋史本傳所作西溪集本十卷南宋

欽定四庫全書

西溪集
提要

初有從事郎處州司理叅軍高布者與邁弟

遼雲巢編邁從叔括長興集合刻於括蒼名

吳興三沈集以是編為首然史稱邁通判江

寧還朝奏本治論十篇為仁宗所嘉賞而集

中竟未之載則亦非全帙矣邁以文學致身

而吏事精敏一時推為軼材其知制誥時所

撰詞命大都莊重溫厚猶有古人典質之風

詩亦清俊流逸不染俗韻第二卷末題楊州

山光寺二詩其一有夾注稱為盧中南和詩
其高臺已傾曲池平一首已見前而重出於
此字句稍不同詩下亦有夾注稱傳自山光
寺壁與集中異云云疑皆高布校刊時所增
入非原集之舊也乾隆四十三年八月恭校
上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

西溪集卷一

奉祠西太乙宮賦

宋 沈邁 撰

躬明詔以攝事兮奉祠乎太乙之靈戒前期之三日兮
祇被而造乎神庭命徒御以夕駕兮候北斗之尚明啓
國門而西出兮顧旭日之既升背城闕之嵯峨兮氣佳
哉其可挹度川原之平遠兮風泠然其可乘方陽春之
發茂兮感萬物之舒榮塘水散兮波已淥野雪消兮草
欽定四庫全書

西溪集

一

欲青時嘉魚之浮躍聞好鳥之嚶鳴池籞嚴以望幸兮
於以見承平之多豫耒耜載以就田兮於以見黎民之
樂生予心迥然其有獲尚安知乎一舍之遠而遙征者
乎爾乃逍遙而舒榮高舉而遐矚氤氲兮雲霞之合隱
嶙兮臺殿之矗鐘磬之音兮砰焉而震於耳金碧之光兮
煜焉而眩於目曾城縣圃乎闕苑崑崙乎其遠也若不
可到海中之神山其邇也若猶可疑漢家之甘泉巍巍
乎雙觀沈沈乎重關鞠躬而下屏息以前趨就乎下房

之次而齋嚴乎其間於是游心於神明致思於精粹披
柱史之書玩漆園之義考星經之說合道家之記蓋太
乙北辰之主而天之貴神也其尊五福其行九宮上運
乎樞機下監乎吉凶沿漢暨唐是類是宗聖朝因焉定
時西東蓋所以逆三神接萬靈致諸福綏羣氓者焉惟
月孟陬惟日辛卯迎氣於郊實協吉卜侍臣焉承其祀
祝史焉贊其禮牢醴兮芬芬幣玉兮煒煒蓋節兮歲
黼黻於今綺旒三陟之壇兮所以降上神八通之道兮

欽定四庫全書

西溪集
卷一

三

所以賓衆鬼威靈兮如在盱眙兮受記時也太陰既傾
列宿在躔紫宮之右天極粲然帝閭兮若啓氛翳兮若
褰美光之發兮赫奕而照耀休氣之充兮輪囷而蜿蜒
凡厥執事之臣莫不肅然震動俯伏於地既起而贊饗
曰泰一報享臨示厥祥錫衍天子萬壽無疆大宗小宗
繼承不忘於是事既功休出而言歸告僕夫以促轡吾
將奏釐於太微

應制依韻和御製後苑賞花釣魚

春入花房次第開上林先望屬車來時忘萬物均民樂
恩許羣臣奉燕杯鳳下朝陽時鼓舞魚遊太液自徘徊
愚心願獻千年壽豈特歡娛一日陪

杭州燕思閣分題四首

以席間所望見為題得偃松院

古寺半空人跡稀老松自偃何年有濯幹欲聳不及尋
蟠枝却覆遂盈畝羣鳳矚日相婆娑病蛟眠沙獨蚬螺
五月南風翠幄涼三冬朔雪穹廬厚本知託植須岡陵

欽定四庫全書

西溪集
卷一

三

豈應拙身此培塿往來不用為歎嗟題詩調笑兒女口
以後園諸亭觀為題得異亭

守居鳳凰背茲亭壓其顛蒼崖當前斷崩騰執將騫洪
濤從天來萬鼓瀉百川高士耳目曠壯夫胸膽塞維昔
孰經始將侯世稱賢斯人去已久陳迹亦屢遷我來感
且慕拂拭頗增妍尚存甘棠意善政或有傳

探韻送完夫以送君出門歸為韻得歸字

相識已恨晚相從每嫌稀如何復相失頓與中懷違淮

江風波接來云遠我圻一朝晤語隔詎能忘歎欲置酒
衆賓賦觴筆交橫飛高亭山氣佳落日暑力微金池莫
辭滿後會豈易希病夫意不淺亦且倒載歸

是日觀畫以畫為題得胡瓌馬

古來畫馬為世貴前有韓幹後胡瓌幹之所圖獨御早
鑄金有式易為好瓌閱衆馬兼漢胡遂窮能事絕代無
陰山七騎實瓌造傳之至今為畫寶筆端神妙難盡譽
去聲會見真馬騰在圖真馬今人亦何識但愛幹馬肥且

欽定四庫全書

西溪集
卷一

澤後世復有伯樂生丹青雖渝尚典刑

送劉泌歸建州

東都宦遊客風塵厭已久欣然理扁舟歸雁不回首身
與淚流下心先淮波走何時過江望家山見孤樓武夷
天下名衆溪環左右幽尋莫辭倦勝事不可負逍遙其
無幾官期諒難後

何公南祕閣公會

公從書閣登詞掖西帥重歸始五年當日諸寮半榮落

後來幾輩雜愚賢齋前花樹多新植架上塵籤亂舊編
嘉遇榮名時所貴從容感詠屬觴篇

送沈景休知常州

疊鼓翻波返流響雙旌照地秋日晴蘭陵使君下齋舸
都門送客冠蓋傾使君去從金馬署顏朱髮漆意氣橫
十年待詔困囊粟千騎乞得專城名城居雖小地迺大
物衆力薄俗喜爭惠窮還暴各有術從來治者難其平
使君才勇固自許一州詎足煩神明從容談笑期月爾

欽定四庫全書

西溪集
卷一

送詩僧思齊歸吳

坐聽道路傳能聲教行民服已無事乘時豫樂與衆并
惠山荆溪兩秀絕丹轂畫隼當春行還有歌詩寫高興
賓客誰許從唱賡

西風送霜河水落東都歸客不可留囊衣卷詩載輕舸
飄然獨下東南州吳山木落衆峰出越湖潦散孤嶼浮
摘丹尊紫新薦俎若下醪美不計售十年塵埃一日去
猿初脫檻鷹下隼幽潛遠颺肯回首送之却顧令人愁

鱸魚正肥張翰老田園將蕪陶潛憂子歸應有問予者
為解區區茲有由

送何中復赴高陵簿

昔初送君向秦關君時失意多悲歎今來送君復西去
君懷新命多歡語別君重見凡四年顏色如故氣軒軒
文章學問益老富卓然遠致信可賢長安古都今大府
并護關西諸節度邇臣元老來後先賢士大夫還而聚
君持利器往從之當能一發胸中奇莫嗟須臾廷下屈
欽定四庫全書
西漢集
卷一
六
我有鎡基又乘時君家湘衡萬餘里十年遠遊何所事
高車駟馬終當歸努力無為故人恥

送張吉老兩浙提刑

秋日響船鼓西風轉檣鳥使節東南行光華滿江吳里
門過舊遊弩矢方前驅威嚴勉自厲寧顧舊酒徒

贈梅聖俞相實

柑實來海濱萬里亦以勤中州富佳果乃無一與倫薦
之君子堂豈以多為珍甘滋露欲晞葉色丹猶新愛之

勿久留有酒應速賓

天台山送僧象微歸山

吾聞天台久嘗讀興公賦茲為東南鎮神靈之所據奇
挺究萬狀萬盛不足語頗疑說過夸持為辭之婢象微
迺州民能識山之故從容試為問聊得一二疏赤城建
霞標上與斗斗附萬有八千丈矗若天一柱瀑布發高
源飛流翻四注雪霜浮虛空晦明亂莫巖足多丹石
光華燦寶璐猶溪百餘仞欲濟毛骨怖九折凌峻梁五

欽定四庫全書

西漢集
卷一
七

界窮幽路芝蘭散奇草松桂羅嘉樹祥風吹白雲飄然
若可御幽閑足瓌怪纖悉難畢具凡跡古不到神物陰
自護傳聞昔人說中有洞天處是名不死墟衆真所游
聚玉堂敞金庭碧林列瑤圃有能從而求得之迺僊去
斯言寧可信良非吾所慕吾志本丘壑久已失厭趣誰
言石渠客乃甚轍中鮒秋風日已高歸心浩欲鶩茲山
宿所愛遂爾緬東顧吾廬因爾卜俾來審繪素

滑州新修東園

漢家東郡古延津
詔屬王畿命通臣
儀物增榮都府舊
恩光流浹吏民新
已明條教康罷俗
更飾林園樂盛辰
蚤賦中和來奏御
知公不久整歸輪

又

北輔為藩自昔優
使君深壯稱公侯
樓臺重拂前人記
園中樓臺多寶觀
公李衛公所折造

乘春臨賞幾遲留
使君詩藻無窮思
賓席誰堪奉唱酬
贈楊樂道建茶

欽定四庫全書

西溪集
卷一

建溪石上摘先春
萬里封包數數珍
羸病從來苦多飲
高情應只屬詩人

和楊樂道省中述懷

少小學書史頗知
道所存功名謂陳迹
古人不可復論既
困乃干澤羽翼何翩翩
初登羣玉府猶接文字言
晚落司會廷始從俗吏煩
朱墨事勾校營榜窮奸
諛終日坐當案曾不聞休
番舊學泯不講舊志茲
益昏中悼素尚違仰愧
前修尊去之未云果蕩
爾何當反覽君自警作

使我忘羈絆
友道久寥濶
期君於此敦

王景彝省舍孤竹

濯濯青玉竿
矯矯孤雲姿
潛根失其託
憔悴非故時
主人幸加憐
曷不徙所宜
歲寒風霜節
無愧君子知

和邵興宗還館

三年重到集仙庭
却理陳編不自停
閣下舊題幾已暗
壁中遺簡尚餘青
故人擾擾誰相好
世事悠悠我特醒
坐看重雲開白日
獨搖修翮入高冥

欽定四庫全書

西溪集
卷一

和陳和叔祕閣會話

羣玉嵯峨壓石渠
我初通籍預離書
三年未厭承明直
一日更從俗吏居
對案不堪文墨弊
離羣長恨笑言疎
紫宸蚤退春朝永
時得期君過舊廬

送李瑜通判潤州

吳越千里廣故鄣
臨上游江山號天險
人物自風流在昔為
成國於今亦大州
時平除圉守地勝足
遨遊青嶂南朝寺蒼
烟北固樓尊鱸秋未
老行棹莫遲留

送梅公儀知杭州

禁閣深嚴帝策書侍臣才調蜀相如屢從金馬辭番直

又下承明佩左魚弩矢前驅登北固

京口為錢唐屬郡

壺漿迎

路過姑蘇

姑蘇公舊治

使君詩老江山勝早晚新篇到石渠

送許當通判泉州

我昔溫陵行始初得許侯溫陵故佳勝況從吉士游日

月雖無幾所樂良綢繆歸來十載間再見朝王州故人

重相遇尊酒更勸酬歡意我已衰壯心君益道君顏反

欽定四庫全書

西溪集卷一

十

更少我但未白頭乃知中都勞豈若江湖優嗟哉石渠

客有似魚被鉤何不斷去之未知所從流羨君翩然歸

春風帆畫舟錦衣鄉治中弩矢驅道周舊廬何光輝高

堂薦甘羞仕者固應爾自餘信悠悠送君喜寧已顧我

愧莫收幸君謝朋友我志無所求

送陳聖俞壽州從事

天下賢良選公車凡幾人君侯獨高第聲實兩無倫驚

鷺來丹穴麒麟出九真推先東國士傾動漢廷臣未引

金閨籍聊為幕府賓還家莫留滯行看壽陽春

和吳冲卿省舍觀蘇才翁題壁

空堂老壁隄塵昏蘇子之蹟世所珍龍虎變化生風雲

擎石攫木力萬鈞斯人豪奇邁倫羣平生慷慨半道淪

高辭壯論胡不存惜哉獨以技藝聞

沈沔天隱樓

吳會富山水吳興盛人物風流自南朝德譽世不沒吾

宗州之望譜序遠且蕃煌煌金盛時冠蓋充里門吾廬

欽定四庫全書

西溪集卷一

十

兩溪旁足跡遠城市宛自仙者居胡然人間世自我登

羣玉十年未得歸秋風東南望悵息欲下飛軒軒吾

宗子自少慕奇偉仕意一不如去之若泥滓起樓臨孤

墅自以天隱名超焉謝朋友於茲寄生平我初聞以疑

今迺送而喜出處亦何常要之不苟爾俗化日以薄士

路令人哀吾黨多狂簡不知所以裁子歸慎厥修先之

以廉讓風行自田間來者知所尚庶幾吾州士禮義世

弗虧庶幾吾宗門長為衆表儀毋獨矜汝名母獨行乎

怪鳥獸非所羣山林固何賴吾雖縻於此亦若與子遊
哉其無悶勿為至人羞

杭州僧修廣法喜堂

園園學佛者營營良足悲不知佛之樂誰使汝學為廣
師吾州秀智解迺天資既以法為喜萬緣脫若遺高堂
客滿坐妙談破羣疑來者豈不辨辨此堂之題

景德寺考試院和李子儀重陽日

勁風疎雨深秋節古寺重扃獨坐人菊色未開期有待

欽定四庫全書

西溪集
卷一

十三

萸香欲佩使誰紉登高莫作西城望把鏡須憐白髮新
持酒勸君休惜醉定知歸日不盈旬

景德寺考試院和王介甫所題詩二首

石藍開盡紅著地瓜蔓半枯黃倒垂坐看一夜芳意歇
風霜即是蚤寒時

夜風吹雨冷通帷鳴雁初聞一一悲幸好歸時歸未得
愁來莫讀壁間詩

次韻和王景彝十一月朔早朝

日上扶桑關九闕天威咫尺不違顏簪紳就次初傳警
內外分朝迭進班霜壓陛隅螭闕首風搖殿戶獸鳴環
聖君從諫寬狂直丹檻無容復敢攀

次韻和宋次道省直

少小學文史焉知事簿書時為吏舍直端與玉山疎叢
竹聊相對孤斟彊自揔猶欣二三子佳句數開予

次韻和次道十一月朔早朝

紫宸陛戟百重深拜朔官儀列弁簪旭日未全開宿靄

欽定四庫全書

西溪集
卷一

十三

清風先已歛羣陰適臣自識宵衣志下士徒懷夙退心虞
氏致平猶有戒願聞歌載誦餘音

送余良孺大監致仕歸鄉

士有逢辰泰榮名四十菁更持使者節數建守臣麾清
懿推朝品慈良號吏師修塗方自致壯志未容衰雅尚
先知止歸心浩若馳君恩寵年至監尹峻官儀緩帶金鱗
重安輿紫綬垂達尊傾我里盛觀聳當時擺落公門事
逍遙野老嬉維應愛玉體五福保期頤

次韻和樂道出省後見寄

君從司會陞延閣更職華光奉講論却顧簿書勞已甚
獨懷僚友意仍存新居近指西城路舊約還尋北海樽
便欲相期五人者軒車蚤晚下宮門

和劉原甫陽春宜白雪

陽春宜白雪良時宜少年試攀瓊樹枝芳意已覺妍梅
花初厭多楊花乍疑早園林光氣生衆物競鮮好一春
都幾日行樂遽勿遲何辭踏泥出猶當秉燭歸少年自

欽定四庫全書

西溪集
卷一

十四

應然老大寧復爾豈不感物華尚能強醇醴

送韓玉汝知洋州

帝制一海內畫州以域民小大雖有殊執任兩各均祖宗
初垂統所重尤守臣授受何其艱便坐躬簡輪承平彌
百年法敝幾不泯其文豈弗具其實蓋已淪遂令師帥
官十九非其人韓侯出名家英聲邁儔倫昔為兩劇縣
遺美今猶新匪直郡邑良固是臺閣珍胡然不留用出
駕雙朱輪洋州實大府左右控蜀秦厥土從古樂厥俗

於茲淳侯才何足施談笑坐養神君子學無苟不讓誠當

仁既富而後教禮義庶可循坐聽千里謠下徹九重宸
表以視四方寵以厲縉紳因之明黜陟審辨玉與珉尚
使天下治復如前代純鄙言真區區感激為侯陳

送辛有終知鄂州

牛僧孺始為武昌節
度今年侯初為鄂州

江漢交流古要津高牙大旆壓城闔昔尊丞相初開府
今屬郎官試治民迎路壺漿因問俗前車弩矢便行春
由來美化先南國遺樂猶應詠錯薪

欽定四庫全書

西溪集
卷一

十五

蓬萊山送徐仲微赴蓬萊令

渤海三神山蓬萊隱嵯峨仙人桂葉舟浮矣明月波驚
塵不可到飛鳥不能過世人但傳聞欲往為奈何胡然
古荒王甘心事欺訖於今禱祠跡往往存山阿當時燕
齊間方士肩相摩遺俗頗淪胥官不嚴禁訶子去為邑
尹施舍各有科茲實繫教化無宜反姦姪平生學詩書
仁術嘗切磋毋曰百里小民人豈不多誰當之武城敢
復聞絃歌

送句謨通判潁州

朝驅款段北省客莫駕屏星州治中朱顏綠髮出塵土
長纓高蓋生清風彼都之勝實樂國賴汝交貫淮波通
使子乞得一麾去寧復汲汲須江東

和鄴幾答李公達遺嘉慶李

朱實出東土名獨與衆殊友人重家果分贈比明珠堆
盤薄霞色慰齒清露腴恨君賞意淺有酒空盈壺

次韻和冲卿省直

欽定四庫全書

西溪集
卷一

六

省舍實褊迫彊分庭與軒君看午熱時何異炊甑然內
景雖屢清外物苦益喧濁河不足滌當尋崑崙源顧身
無羽翼大叫不得前却圖須臾濟雪散和水丸嗟我江
湖人胡為投此間羨君富高興尚堪吟詠煩

次韻和江邨幾喜司馬君寶錢君倚章伯鎮入省

之作

我本魯連徒放跡江湖濱彊茲就朝列俯仰羞衆人初
從東觀游尚得文字親晚為大農屬始與俗吏倫簿書

異我學句校違我貞有如鍛戈劍而乃驅匠輪顛倒失
所措左右迷厥津恍不知道從但欲逃深榛獨幸良友
朋志尚略一均繼今三君來益欣得有鄰誰云典司殊
舍次密若鱗誰云晤語希牖戶日屢巡論文必高妙談
道皆淵淳揮弄塵白玉傾倒中紫綸謂應饜餓渴寧
復辭昏晨願言勿有倦行即徂秋春宦游固難常出
處各有循公等其謂何我意益欲踰一朝成契闊相望
楚與秦高會不得再空將寄音塵

欽定四庫全書

西溪集
卷一

七

次韻和景彝秋興

蘭蕙含清露芙蓉隨綠波暑隨朝雨盡涼入暮天多已
覺金行早誰調玉燭和西風但高詠將奈綠甌何

次韻和邵不疑省直

藹藹大農府陰陰道南廬夜直何其頗我性實已疎每
來兀兀坐中懷鬱不舒幸茲新涼至燈火理舊書秋風
吹我衣浩然發歸思念我去江湖人事不復記擾擾彌
十年忽忽都一寐中夜慎勿思無枕不得睡

和君倚景靈行

東城大道何逶迤中直清廟表六扉右臨景靈祕館之
翼翼左帶相國浮圖之巍巍道旁第舍多艷赫車無停
輪馬交策風塵勃鬱千丈高素衣化緇雙靴塞南阡窮
巷我所居上下省戶兩歲餘病軀羸乘寶厭畏每趨徑
路宮城隅宮牆倚空背環極隱嶙樓臺露金碧朝霞夕
照天半明墻下行人徒眩惑我嘗入謁得縱觀威容物
采嚴且完鸞車歲歲躬獻享孝思肝鬢神通歡重門
欽定四庫全書

西溪集
卷一

九

次韻和君實苦雨三首

浩浩雨不止寥寥風且寒敢言裘褐具尚幸室廬完彌
月天形晦無時輟跡乾田臯何處在誰復顧蕭蘭
不見清秋月悠悠兩過弦重陽初未解委照固無偏安
得長風御都驅宿藹旋還當三五夕圓魄獨當天

積潦高秋後幽居病客心每憐荷折蓋猶愛菊包金獨
坐有餘恨臨觴莫厭深多情省郎直永夜祇清吟

送徐同年謫出京

激立幾年志淹遲一日亨還家畫錦樂拜壽綵衣榮未
辟諸侯府無矜晚宦情重來奏千牘應笑舊題名

欽定四庫全書

西溪集
卷一

九

西溪集卷一

欽定四庫全書

西溪集卷二

宋 沈邁 撰

代人進南郊禮成詩

并序

伏以皇帝陛下即祚以來躬祀郊廟者凡十一大事盛禮前世之所難能今陛下有之而孝思不已精意彌發定雅樂興寶鼎並嚴三后以配上帝天地祖宗之靈以順以格增前人之光為萬世之法詩書所載二帝三王之事業今具之於陛下已宋之德其有窮哉臣自獲位

欽定四庫全書

西溪集卷二

於朝得奉祠事而兩攝綏僕親侍穆穆之光以觀盛禮臣不勝大幸

宋德承天序郊丘必以時先期發明詔戒日具多儀闕館嚴真祖清宮謹大祠孝思追祖考禋祀致神祇三聖同升侑羣靈罔弗祇聲文更舊律鼎禹列親規禮樂榮觀洽雲雷慶澤施歡聲充有截盛事極無遺皇祚千齡永成能萬世宜臣心奚以答歌頌一毫釐

晚雨後過城東

東城雨始歇紫陌無纖埃佳氣四面起游光泛樓臺日暮市井合叫舞何喧喧我時騎過之顧瞻顏屢開欣幸其如此平歲無愁猜吾人雖安坐猶能詠康哉

和江鄰幾送文丞相還游普安院

擾擾市朝士一身衆役諒官曹畏職業人事煩往來朝出被風雨暮還衝塵埃竟歲長如此何時能休哉適聞丞相行巾車城西隈冠蓋盛出送車馬相喧喧吾有四君子約言共追陪烏躔轉背千歸來倦支骸道旁有精

欽定四庫全書

西溪集卷二

舍聊茲釋鞍韉殿閣鬱四合高明絕纖塵曲池含清波魚鳥中沿洄禁園直南望參差隱樓臺秋風肅衆物野氣日夕佳幽趣空來會俗紛頓可推高情緬山水劇語雜譏詼清賞何以娛一枰聊為開豈徒事爭決要且資歡怡謂言坐上客茲樂那易諧城中苦多事况復日月催功名未有立壯志先欲摧幸時得閒暇一出紓吾懷此言固可結此願惟恐乖須臾夕照下欲起姑徘徊攬轡更留顧餘興無窮涯

和王微之漁陽圖

燕山自是漢家地北望分明掌股間休作畫圖張屋壁
空令壯士老朱顏

送袁陟通判撫州

上林珊瑚枝太液琉璃波孔鸞相徘徊鳬鷖不敢過嘉
樹日零落清流成惡腐凡鳥鬪嬉鳴珍羣搖翮去去兮
將安之江山歛羽儀何時復來還聊以三歲期

過江鄰幾官舍

欽定四庫全書

西溪集
卷二

三

君舍城之背蕭然十畝餘四垣通野墅一舸泛官渠夏
木陰成後涼天雨歇初公門日無事觴詠莫容疎

碕岸淺可弄平流清且漪葭蒲亂垂影魚鳥悉浮嬉浩

蕩江湖思差池林壑期誰能共茲語終約不吾欺

願見豈辭遠况從吾友行清談開憤懣高詠聽鏗鉤亦

日煩暑却晚風涼氣生歸鞍任傾倒莫惜醵餘觥

奉酬楊祖二閣老中書省齋宿見寄

詞省非吾據維應賴兩公自憐雖壯齒多病祇衰翁飲

興端難彊詩情久已窮還家即高卧客轍任西東

送蘇結赴蜀州推官

嘉陵劔閣萬里道自古當為行役憂於今帝制自無外
仕者何必盡中州我昔成都兩歲留春風秋月多遨遊
須知錦城雖云樂不如早還滄海頭

後殿考進士解嘲

絳闕連碧城白日橫采霓鈞天萬舞徹鸞鳳鳴且飛我
為帝所遊十日不知返我樂殊未央尚恨春晝短東風

欽定四庫全書

西溪集
卷二

四

吹蟠桃花落滿我衣拂去還復來悠然生我思顧謝衆
仙人我自人間世世累雖可憎天上亦多事

和吳仲庶延菰閣後牡丹花二首

零落欄杆暗蘚侵花苞憔悴怨春深吾君意在延經藝

不學前王宴豫心

承明待詔盡名儒一願當君奏六符獨笑開元供奉客

惟將歌句奉歡娛

送密學施侍郎知杭州

塞外風煙河上塵歸來始覺二毛新承明自厭頻趨直

滄海還思一濯巾幕府旌旗初壓境畫船歌吹便行春

湖山滿目舊游在何日從公醉紫萸

奉祠東太乙宮七首

步虛辭二首

碧城絳闕半夜開翠旗玉節相徘徊景光散墮燈火蔽

步虛一聲天上來神迎

赤鳥鼓舞揚朝暉白榆零落收夕霏侍臣再拜謝神貺

欽定四庫全書

西漢集
卷二

五

步虛一聲天上歸神送

讀道書一首是日大風

甘泉三日齋讀盡羣王書天風起寒門便欲凌太虛顧

身無羽翼歎息知何如

齋居有感一首

城中塵埃多白日迷東西城中市井喧半夜猶鼓鼙我

本江海人偶來東都客寸心雖自丹兩鬢頗欲白一為

城南宿晚若與世違不聞車馬音但見煙霞飛自喜復

自羞胡然久羈旅秋風弄濤時聊可整歸觴

致齋一首

君王無意學神仙獨為蒼生致吉蠲四月麥苗殊未好

一番靈雨即豐年

祀畢大雨一首

由來聖作與天通甘澤祥飈徹俎中更賜太元千歲英

平明馳賀未央宮

齋居寄揚祖二閣老一首

欽定四庫全書

西漢集
卷二

六

瀟洒城南尺五天晝涼高枕夢遊仙勞君揮翰紫宸裏

汗浥朝衣不得眠予儻直未滿二君代直

西太乙宮致齋遣興二首

城中暑雨方鬱陶城外秋風已蕭瑟下馬解衣高枕眠

惟恐祠官報歸日

我來西郊始三日起然便若與世違市朝迺在咫尺爾

况復萬里滄浪歸西郊一云甘泉

訪淨因璉上人一首

春風才得馬蹄乾，便向城西學問禪。
不是重陰開白日，自披雲霧覩青天。

次韻和張元常中秋夜不見月

月色初無別人心，自有分長令照清。
夜猶勝掩重雲老去，歡難彊衰來飲易醺。
君家富歌管獨不使人聞。

送劉定下第

六科收賢才，所得豈非真？奈何如劉子，
及爾棄若淪衆。頗為我嗟我，斯自能信言也。
尚莫知行之得，無訕謝去。
欽定四庫全書
西溪集
卷二
不復顧所重，非吾身孝友且為政。况茲有民人，
廣陵昔富都。今已空殘甚，行矣欲自彊。公卿皆子任。

弔普濟大師

鄉里多長者，平生愛斯人。誰言相識晚，俯仰跡已陳。
寸心昔固許，掛劍義所申。空堂對孤詠，寂寞猶相親。

南漪堂

山遶湖堂寺遶山，平生願向此中間。
青雲白水相浮蕩，野客高僧獨往還。
少小自嫌軒冕累，因循將恐鬢鬢斑。

南漪最是逍遙地，且挹清波濯愧顏。

次韻和少述秋興

浩蕩西風動客裾，飄然歸思滿田廬。
少時豈省為名誤，老去真知與世疎。
勝事祇隨詩句盡，壯懷猶向酒杯舒。
南山已有終年約，三徑何年得自除。

送諸進士赴試禮部

吾州號多士，今茲見諸生。自非中正舊，焉識鄉里評？
但喜後來秀，紛若春華榮。高會存故事，工歌追鹿鳴。
勸酬皆嘉賓，雜奏瑟與笙。何以為子贈？贈子母驕盈。
一獻未足信，要之觀厥成。行矣其自厲，傾耳聞吉聲。

次韻和李審言上元寄王巖夫

此都豪麗歲仍豐，此夕都人凱樂中。
車馬笙簫千里至，樓臺燈火九衢通。
香輿軋軋凌風駛，粉袂翩翩照地紅。
病守行春真莫強，更堪攀倚少年叢。

次韻和王巖夫有美堂會諸年契

西寺題名墨尚新，今為賓主此堂人。
縱談更起揮青麈。